




საშურის მოაზბე



№33 (454) 2 სექტემბერი, ორშაბათი, 2024 წელი


საქართველოს პრეზიდენტის განკარგულება

#27/08/02 2024 წლის 27 აგვისტო ქ. თბილისი

საქართველოს პარლამენტის არჩევნების დანიშნის შესახებ

საქართველოს კონსტიტუციის 52 - ე მუხლის პირველი პუნქტის „გ“ ქვეპუნქტისა და საქართველოს ორგანული კანონის „საქართველოს საარჩევნო კოდექსის“ 108 - ე მუხლის მე - 2 პუნქტის შესაბამისად, საქართველოს პარლამენტის მორიგი არჩევნები დაინიშნოს 2024 წლის 26 ოქტომბერს.

სალომე ზურაბიშვილი



საშურში საქალაქო კულტურის სახლის (ყოფილი რკინიგზის კლუბის) რეაბილიტაცია დასასრულს უახლოვდება

პროექტი, შენობის სრული რეკონსტრუქციაა განხორციელდა. ამ ეტაპზე სრულდება როგორც დარბაზის, ასევე, კულისებისა და ადმინისტრაციული ოთახების მოწყობა.

დარბაზში სრულდება თანამედროვე ტიპის გახმოვანების და განათების სისტემების მონტაჟი შესაბამისი აკუსტიკით. მოწესრიგდა წყლის და კანალიზაციის სისტემები, მოეწყო გათბობა.

როგორც საზოგადოებისთვის ცნობილია, საშურის საქალაქო კულტურის სახლი ათწლეულების განმავლობაში არ გარემონტებულა, რეაბილიტაციის პროცესი შეფერხებით მიმდინარეობდა, თუმცა, ამ ეტაპზე პროექტი გეგმიურად სრულდება.

საქალაქო კულტურის სახლის რეაბილიტაციის შემდგომ საშურის მუნიციპალიტეტის კულტურული ცხოვრება ახალ დატვირთვას შეიძენს.

საშურში, მდინარე სურამულას კალაპოტის გაწმენდითი სამუშაოები მიმდინარეობს



მდინარე იწმინდება სხვადასხვა სახის ნარჩენისგან, ლამისგან, ლაქაშისგან, საყოფაცხოვრებო ნარჩენებისგან. ეს არის კომპლექსური ღონისძიება, რაც მნიშვნელოვანია, როგორც სტიქიის პრევენციისთვის, ასევე ეკოლოგიური თვალსაზრისით.

სამუშაოები მთლიანად მუნიციპალური

ბიუჯეტიდან ფინანსდება. ხელშეკრულების ჯამური ღირებულება 171 935 ლარს შეადგენს.

საშურის მუნიციპალიტეტის მერია მადლიერებას გამოხატავს ყველა იმ პირის მიმართ, ვინც არ აბინძურებს მდინარეს და ზრუნავს გარემოს დაცვაზე.



იწმინდება მდინარე შოლას კალაპოტი

დღეს სამუშაოების მიმდინარეობა საშურის მუნიციპალიტეტის მერმა თენგიზ ჩიტიაშვილმა, მერის მოადგილე ზვიად ქურდაძემ და ინფრასტრუქტურის სამსახურის ხელმძღვანელმა გიორგი პაპიაშვილმა დაათვალიერეს.

პროექტი ნაპირსამაგრი კედლის მოწყობას ემზავუდისა და ყოფილი სამხედრო ნაწილის მიმდებარე ტერიტორიაზე ითვალისწინებს.

სამუშაოების ღირებულება 499 390 ლარს შეადგენს.



უკვე დასრულებულია ტენდერი და მიმდინარეობს შერჩევა-შეფასების პროცედურები გარდამავალ პროექტზე, რომელიც მიმდინარე წელს დაიწყება, 2025 წელსაც გაგრძელდება და მოიცავს შოლის ნაპირსამაგრი

კედლის მშენებლობის სამუშაოებს სამხედრო ნაწილიდან ბაზრის ტერიტორიამდე.

პარალელურად, დაწყებულია შოლას გაწმენდაც. პროექტი, რომელიც მდინარის სრულ გაწმენდას ითვალისწინებს, ადგილობრივი ბიუჯეტის მხარდაჭერით ხორციელდება. მისი ღირებულება 147 767 ლარია.

შოლის გაწმენდის და ნაპირსამაგრი კედლის მშენებლობის სამუშაოები მნიშვნელოვანი პრევენციული ზომია შესაძლო სტიქიის წინააღმდეგ.



- ს კ ო ლ ა -

ახალი სასწავლო წელი კარს მოგვადგა, მუნიციპალიტეტის საგანმანათლებლო სისტემა მზადაა ყველა გამოწვევისთვის

სახელმწიფოს სიძლიერის საფუძვლის ერთ-ერთი მნიშვნელოვანი კრიტერიუმი არის განათლების სისტემა ქვეყანაში. ჩვენი ქვეყნის წარსულით თუ ვიმსჯელებთ, ჩვენი წინაპრები, ქვეყნის მმართველები, მშვიდობისა და უსაფრთხოების დაცვის მერე, ზრუნავდნენ კულტურის, ხელოვნების და განათლების განვითარებაზე, ამის გარეშე ვერ იარსებებდა ქართული დამწერლობის უნიკალური და ულამაზესი დამწერლობის 3 ნაირსახეობა, არ დაიწერებოდა პოემა „ვეფხისტყაოსანი“, რაინდობის, გმირობის, მეგობრობის, პატრიოტიზმისა და სიყვარულის უკვდავი ჰიმნი, რომელსაც განცვიფრებაში მოჰყავს მსოფლიოს ცივილიზებული საზოგადოება ... ფუნქციონირებს ვერ შეძლებდნენ - ფაზისის, გელათისა და იყალთოს აკადემიები. არ შეიქმნებოდა მითი არგონავტებზე და მედეაზე... ამ მემკვიდრეობის მქონე ხალხს განათლების სიტემა შესაბამისი და მაღალხარისხის უნდა გვქონდეს და ქვეყნის განვითარების სტრატეგიაც ახალგაზრდების სწავლა - განათლების ხარისხზე უნდა გადიოდეს. განათლება და კულტურა განუყოფელია სკოლისა და მასწავლებლის



პროფესიისაგან, მასწავლებლობა არის ერთადერთი პროფესია, რომელიც ქმნის ყველა დანარჩენ პროფესიას მასწავლებლისა და მოსწავლის ურთიერთობა ღვთით ნაკურთხი და დალოცვილია, განსაკუთრებით სწორი აღზრდისა და განათლების საკითხი თანამედროვე ციფრულ საუკუნეში უადრესად პრიორიტეტულ გამოწვევებს ქმნის და მასწავლებლისგან დიდ ცოდნასა და ოსტატობას მოითხოვს. უმეტესად, ცარცის და დაფის სასკოლო გარემოდან ციფრული სწავლებისა და წიგნიერების საუკუნეში შევდივართ, ხელოვნური ინტელექტი უკვე ყოველდღიურ რეალობად იქცა და ფეხი რომ ავუწყით მეცნიერულ - ტექნიკურ პროგრესს, ჩვენი საგაკვეთილო პროცესიც მოქნილი და თანამხვედრი უნდა გახდეს საინფორმაციო ტექნოლოგიების ძალიან სწრაფი ტემპით მიმდინარე განვითარებასთან. სკოლის, მასწავლებლის, მოსწავლის აწმყო და მომავალი მუდმივ დინამიკასა და განვითარებაში.

ახალი, 2024-2025, სასწავლო წლის დაწყებას როგორ ხვდება ჩვენი მუნიციპალიტეტის სასკოლო საზოგადოება, რომელიც მოიცავს 33



ზოგადსაგანმანათლებლო სასწავლო დაწესებულება, 8000 მდე მოსწავლეს, 874 მასწავლებელს, მოსწავლეთა მშობლებს და გარეშე პირებს, რომლებიც დაინტერესებულნი და გულმემატკივარნი არიან სკოლებში მიმდინარე პროცესების გამოწვევებში და უპირველესი პრიორიტეტი პედაგოგთა პროფესიული ზრდაა და ამყად უნდა ვთქვათ, რომ ჩვენი პედაგოგიური საზოგადოება მუდმივი პროფესიული ზრდის პროცესშია, 83ყავს 32 მენტორი, 300 წამყვანი და 510 უფროსი მასწავლებელი, უსტატუსო მასწავლებლის რაოდენობა უადრესად მინიმალურია. თითოეული სკოლა ძლიერ პროფესიულ „სამჭედლოს“ წარმოადგენს, სადაც ახალგაზრდა პედაგოგები, უფროს კოლეგებთან

ურთიერთობაში, სწავლობენ მასწავლებლობას, უფლებებიან სწავლების მეთოდების მრავალფეროვნებას, ოსტატებიან, გვყავს ბევრი გამორჩეული და წარმატებული პედაგოგი, მათ შორის, ექვსი სკოლის საუკეთესო მასწავლებელი წარდგენილია მასწავლებლის ეროვნულ პრემიაზე, რომელთა გამოცდილება პედაგოგების პროფესიული საქმიანობის საუკეთესო ისტორიებს წარმოადგენს.

სკოლებში მიმდინარე სასწავლო პროცესის ხარისხის მთავარი ინდიკატორი სკოლების თვითშეფასება და ავტორიზაციის პროცესია, რომელიც ყველა სკოლამ უნდა გაიაროს, რომ საგანმანათლებლო საქმიანობის განხორციელების უფლება მოიპოვოს. ჩვენს მუნიციპალიტეტში ავტორიზაცია გაიარა 9 საჯარო სკოლამ, პროცესი საინტერესო გამოწვევების მქონეა, რომელიც აჩვენებს სკოლის ძლიერ და სუსტ მხარეებს, რა მიმართულებით უნდა გაამაზვილოს სასკოლო საზოგადოებამ ძალისხმევა, რომ სასწავლო-სააღმზრდელო პროცესის სტრატეგიული დაგეგმვა და სკოლის სამუშაო გეგმა მოქნილი, რეალური და მორგებული იყოს სკოლის საჭიროებებზე.

განათლების, მეცნიერებისა და ახალგაზრდობის სამინისტროსა და რესურსცენტრის გამოწვევებიდან უადრესად მნიშვნელოვანი სკოლების ინფრასტრუქტურების და უსაფრთხო სასკოლო გარემოს მოწესრიგებისთვის ზრუნვაა, რომლისათვის დიდი ფინანსური რესურსებია საჭირო. ახალ სასწავლო წლიდან რებილიტირებულ სკოლებს შეემატება სსიპ დავით კაკიაშვილის სახელობის

ქალაქ ხაშურის N2 და სსიპ ხაშურის მუნიციპალიტეტის სოფელ ოსიაურის საჯარო სკოლები, სადაც სამუშაოები აქტიურად მიმდინარეობს. პარალელურად, ხდება სასკოლო ინვენტარითა და ავეჯით ოსიაურის საჯარო სკოლის მომარაგება, რომ ახალი სასწავლო წლიდან სკოლა მომზადებული შეხვდეს სასწავლო პროცესის განახლებას. მშენებლობის პროცესი მიმდინარეობს სსიპ ქალაქ ხაშურის N4 , სსიპ ხაშურის მუნიციპალიტეტის სოფელ ნაბახტევის საჯარო სკოლებში.

უსაფრთხო სკოლის მოდელიდან გამომდინარე, დიდი სიფრთხილით მიმდინარეობს მშენებლობის პროცესი, ინფრასტრუქტურის სააგენტოს მუდმივი კონტროლისა და ზედამხედველობის ფონზე, ბედლითის დაწყებითი სკოლის მშენებლობა ჯერ არ დაწყებულა, ვართ მოლოდინის რეჟიმში, ამჟამად მიმდინარეობს სსიპ ხაშურის მუნიციპალიტეტის სოფელ ვაყის საჯარო სკოლის პროექტის მოსამზადებელი სამუშაოები ახალი თანამედროვე სკოლის შენობის ასაშენებლად, მაგრამ ეს ყველაფერი საკმარისი არ არის , ამ მიმართულებებზე ჯერ კიდევ ბევრია გასაკეთებელი, ბევრი სკოლის შენობა ძველია და ახალ გამოწვევებს ვერ პასუხობს. პირველ რიგში, ხდება სკოლების ინფრასტრუქტურის მდგარდობისა და სანდოობის შესწავლა სამხარაულის ექსპერტიზის მიერ და შემდეგ იგეგმება



რეაბილიტაცია თუ მშენებლობა, ასევე, ვერ ვიამაყებთ საბუნებისმეტყველო კაბინეტ-ლაბორატორიების მოწყობისა და აღჭურვის დონით, სამინისტროში ამჟამად მუშავდება მოთხოვნები და კრიტერიუმები კაბინეტების თანამედროვე ხელსაწყოებით სასწავლო რესურსებით აღჭურვისა და უსაფრთხო გარემოს შექმნისთვის, რომ შემდეგ ორგანიზებულად მოხდეს შესყიდვები და სკოლებზე მიწოდება, ასევე, მნიშვნელოვანია სკოლების ვიდეო-სათვალთავლო კამერებითა და სახანძრო უსაფრთხოების სისტემებით აღჭურვა, რაზეც მუშაობენ სამინისტროს ექსპერტები შესაბამის უწყებებთან ერთად.

ზაფხულის პერიოდში ინტენიურად მიმდინარეობს სკოლების მომარაგება სასწავლო რესურსებით, უკვე ორგანიზებულად მოხდა მომავალი პირველი კლასელებისთვის განკუთვნილი კომპიუტერების შემოტანა და სკოლებზე მიწოდება. როგორც უკვე დანერგილი პრაქტიკა გვაქვს, 2024-2025 სასწავლო წლის დაწყებისთანავე, საჯარო სკოლების პირველი კლასის ყველა მოსწავლე მიიღებს საჩუქრად პერსონალურ კომპიუტერს, რომლის გარეშე სასწავლო პროცესი ვერ იქნება წარმატებული და ნაყოფიერი. ამ მიზნით შემოტანილია, ეგრეთწოდებული, „ნოუთ ბუქები“, ჯამური ღირებულებით - 527460 ლარი.

გვაქვს რეზერვი, განსხვავებულ ვადებში ჩარიცხული პირველი კლასის მოსწავლეებისთვისაც. პერსონალური კომპიუტერი სასიცოცხლოდ მნიშვნელოვანია ყველა მოსწავლისათვის და ეს პროექტი ძალიან წამაბტებულია. ასევე, „ნოუთბუქები“, გადაეცა პირველი კლასის ხელმძღვანელ ყველა პედაგოგს. ციფრული ტექნოლოგიების გარეშე წარმოუდგენელია თანამედროვე სკოლა. ასევე, პერიოდულად მიმდინარეობს სკოლების მოთხოვნების შესაბამისად, კომპიუტერული ლაბორატორიების განახლებისა და აღჭურვის პროცესები.

სკოლებზე ორგანიზებულად დარიგდა სახელმძღვანელოების დიდი ნაწილი, რომლებიც უფასოდ გადაეცემათ მოსწავლეებს სასწავლო პროცესის დაწყებისთანავე. უფასო სახელმძღვანელოების პროექტი დიდი ფინანსური შედეგათა ოჯახებისთვის, რომლებსაც სასკოლო ასაკის მოსწავლეები ჰყავთ.

სკოლებზე გადაცემულია 108361ლარის ღირებულების წიგნები, გადასაცემად მზადაა 98763 ლარის ღირებულების საკლასო რეკონსტრუქციები, მომავალში ველოდებით წიგნების შემდეგ ნაკადს - სექტემბრის 10 რიცხვისთვის.

სახელმძღვანელოების ნაწილი, ასევე, გადაეცემა კერძო სკოლის ადმინისტრაციას სოციალურად დაუცველი მოსწავლეებისათვის.

პედაგოგებისა და მოსწავლეთა მაღალი მოტივაციის შედეგია ის, რომ საბაზო საფეხურის 575 კურსდამთავრებულიდან 123 მოსწავლე წარდგენილია „ჩემი პირველი კომპიუტერის პროგრამის“ ფარგლებში, ჯილდოზე. წარჩინებული აკადემიური მოსწავლეთათვის გადაეცემა პერსონალური კომპიუტერები საჩუქრად. მე- 12 კლასის 559 კურსდამთავრებულიდან ოქროსა და ვერცხლის მედალზე წარდგენილია 121 მოსწავლე. ეროვნული გამოცდების შედეგებიდან გამომდინარე , ბევრი მოსწავლე წარმატებით ჩაირიცხა უნივერსიტეტების საბაკალავრო პროგრამების პირველ კურსზე და ბევრი მათგანი გახდა სახელმწიფო გრანტის მფლობელი.

წარმატებით მუშაობს მოსწავლეთა სატრანსპორტო საშუალებებით, მიკროავტობუსებით, სკოლებში მიყვანის პროექტი და ამ პროექტში ჩართული 18 სკოლის მოსწავლეები აქტიურად გადაადგილდებიან სოფლებიდან, რომელთა საცხოვრებელი სკოლის შენობასთან დაშორებულია 2 კმ-ით და მეტით.

კიდევ რამდენიმე დღე და გამოცოცხდება სკოლები მოსწავლეთა მხიარული ხმებით დააფერადდება საკლასო ოთახები, მიუხედავად განათლების მუშაკთა დიდი ძალისხმევისა, გასაკეთებელი ჯერ კიდევ ბევრია, რაც სასკოლო საზოგადოების ყველა წევრის თავდადებას და მუშაობას ძალისხმევას საჭიროებს, მაგრამ საგანმანათლებლო პროცესში არ არსებობს უკანდახევა და მხოლოდ წარმატებებზე უნდა ვიყოთ ორიენტირებულნი, რომ ჩვენ მიერ აღზრდილი მოქალაქეები მსოფლიოს გლობალური პროცესების მონაწილენი გახდნენ და ეროვნულ ღირებულებებთან ერთად, დაუფლონ მსოფლიო მოქალაქისათვის საჭირო უნარ-ჩვევებს.

მანანა აბაზაძე,
საგანმანათლებლო რესურსცენტრის უფროსის მოვალეობის შემსრულებელი

(გაგრძელება. დასაწყისი იხ. „ხმ“ 2024წ.#19,20,21,22,23,24,25, 26,27,28,29,30,31)

თუ ამჯერად მხოლოდ პარტიიდან გარიცხვით კმაყოფილებოდნენ, 1937 წლიდან უკვე ფიზიკურ განადგურებას მიჰყვას ხელი. პარტიული და საბჭოთა ორგანოების ხელმძღვანელები, რიგითი მუშაკები თუ მოქალაქეები აღმოჩნდნენ რეპრესიების მსხვერპლნი. ისინი, ვინც 20-იან წლებში აქტიურად ებრძოდნენ საბჭოთა ხელისუფლების მოწინააღმდეგეებს, დღეს თავად აღმოჩნდნენ საბჭოთა ხელისუფლების მტრები. 1937 წელს მთლიანად შეიცვალა ხაშურის რაიონის პარტიული და საბჭოთა ხელმძღვანელობა. არ დარჩენილა ცხოვრების არც ერთი რგოლი სადაც ხალხის მტრები არ გამოვევლინოთ, სათანადო პასუხი არ მოეთხოვათ და შესაფერისი სასჯელი არ მიეზღოთ.

აქვე გვინდა, შევნიშნოთ, მიუხედავად იმისა, რომ 1937 წლის რეპრესიებზე ბევრი დაიწერა, საკითხი ჯერ კიდევ არ არის სათანადოდ შესწავლილი, არ არის გაანალიზებული მსოფლიოში და საბჭოთა კავშირში მიმდინარე ისტორიული პროცესების ქრონიკაში. მთაბეჭდილება გვჩვენებს, რომ იგი ამ პროცესებიდან ამოგლეჯილია და უფრო ხშირად ტენდენციურად განიხილება. იგი დრამატიზაციის მოთხოვნის საჭირო საარქივო მასალების მოშველიებით, რომელიც ჯერ-ჯერობით სრულად არ არის ხელმისაწვდომი მკვლევარებისთვის.

1937 წელს რეპრესირებულნი იქნენ ძველი რევოლუციონერი თაობის არაერთი წარმომადგენელი, ერთი ნაწილი სიკვდილით დასაჯეს (გ. კალმახელიძე, ვ. ჟურდაძე, ლ. გოგოლაძე და სხვები), ხოლო მეორე ნაწილი გადაასახლეს (ი. ურიადმყოფელი და სხვა). მარტო 1937 წლის 5 ოქტომბერს 7 სასიკვდილო განაჩენია გამოიტანეს, 24 დეკემბერს კიდევ 4.

100 წელი - 1924 წლის აჯანყებიდან

24 დეკემბერს დახვრიტეს სიმონ ბაბლიძე. სასიკვდილო განაჩენში ნათქვამია: „ბაბლიძე არ ექვემდებარება გამოსწორებას. დაპატიმრებამდე იყო მენშევიკური იდეოლოგიისა და შეხედულებების მატარებელი. დაკითხვაზე დაადასტურა, რომ ამჟამადაც ამ პოზიციებზე რჩება. ბაბლიძემ შემოიკრიბა მენშევიკური პარტიის ყოფილი წევრები, რომლებთანაც აწარმოებდა კონტრრევოლუციურ საუბრებს და მკვეთრად აკრიტიკებდა პარტიის კოლექტივიზაციის საკითხებთან დაკავშირებით. ამბობდა, რომ კოლექტივიზმი შიმშილობენ და გლეხები ღარიბდებიან. ავრცელებდა პროვოკაციულ ხმებს, რომ მომავალში საბჭოთა ხელისუფლება შეიცვლებოდა. ბაბლიძე არის მავნე, გამოუსწორებელი და სამიში მენშევიკი...“

თუ როგორ შეიძლება, ყოველგვარი განსჯის გარეშე, ადამიანებისათვის „ხალხის მტრის“ იარლიყი მიეკერებინათ, ამაზე კარგად მეტყველებს 1937 წელს ხაშურის სახელმწიფო თეატრში მომხდარი ამბავი. ამ წელს თეატრმა მასწავლებელს უჩვენა სპექტაკლი „მორეული“. სპექტაკლის გაფორმებისას მხატვარმა ტაიგის ტყეში ერთი ხე ტოტემდამტვრეული დახატა. ადგილობრივი ხელისუფლების ერთერთმა წარმომადგენელმა ხის ტოტეები ფაშისტურ სვასტიკას მიაძგავს და გამოვიდა თეატრის ხელმძღვანელობის წინააღმდეგ – განგებ არის გაკეთებული. საქმე იქამდე გამწვავდა, რომ სპექტაკლის რეჟისორს ლ. ციციას დაპატიმრებას უპირებდნენ, ვიდრე საქმეში ხელოვნების კავშირი არ ჩაერია. ამ საქმის კვლევის დროს თეატრის ხელმძღვანელები დაპატიმრებულ იქნა, მაგრამ შემდეგ ყველაფერი გაირკვა და გაათავისუფლეს. რეჟისორმა ლ. ციციამ ხაშურის თეატრში დაბრუნება აღარ ისურვა და მუშაობა სამტრედიამი დაიწყო.

ქვეყანაში დაწყებულ რეპრესიებს ვერ ასცდა სკოლაც. არა მარტო პედაგოგები, არამედ მოსწავლეებიც ხდებოდნენ რეპრესიების მსხვერპლნი. თითქმის ქალაქის ყველა სკოლაში სწავლობდნენ „ხალხის მტრის“ შვილები. იმართებოდა კრებები, ამხელდნენ და კიცხავდნენ „ხალხის მტრის“ შვილებს. იყო შემთხვევები მოწინავე კომკავშირელების – მოსწავლეების ამ საქმეში ჩაბმისა. ასეთ ფაქტს ადგილი ჰქონდა ხაშურის I საშუალო სკოლაში, როცა მეათე კლასის მოსწავლე, შემდგომში ცნობილი პროფესორი შოთა ცხოვრებაშვილი გარიცხეს არა მარტო კომკავშირის რიგებიდან, არამედ სკოლიდანაც კი. მისი მამა ალექსანდრე ცხოვრებაშვილი იმ წლებში სოფ. გომის საბჭოს აღმასკომის თავმჯდომარედ მუშაობდა და რეპრესირებულ იქნა. მართალია მცირე ხნის შემდეგ მოსწავლე კვლავ დააბრუნეს სკოლაში, მაგრამ მოზარდის ფსიქიკაზე ამ ფაქტმა მძიმე შედეგი იქონია.

ამავე სკოლაში ადგილი ჰქონდა პედაგოგებს შორის დაპირისპირებას. სკოლის დირექტორად მუშაობდა გ. ზ-ძე, რომელსაც ადგილობრივი გაზეთი ახასიათებს როგორც „ყოვლად უვარგისი ადამიანი“, რომელიც „თავის თანამდებობას ინტრიგანობისა და ბაქიაობისთვის იყენებდა“ და „სკოლის კეთილმოწყობისა და მოსწავლე - ახალგაზრდობის აღზრდისთვის კი თავს არ იწუხებდა“.

„სკოლის აქტიურმა მასწავლებლებმა“ ამხილეს დირექტორის „უვარგისი მუშაობა“ და სათანადო ორგანოების გადაწყვეტილებით მოხსნილ იქნა თანამდებობიდან. ამის შემდეგ ყოფილმა დირექტორმა „ხელი მიჰყო“ სკოლის განახლებულ ხელმძღვანელთა დამცირებისა და საბჭოთა მასწავლებლების მიმართ ცილისმწამებლური ბრალდებების შეთხზვას. სკოლის დირექტორს გ. ტაბატაძეს მან ცილი დასწამა ვითომ იგი ხალხის მტრების მოკავშირე იყოს, ანიავედეს სკოლის საამშენებლო მასალას და ხელოვნურად ზრდიდეს ფრიადოსანთა რიცხვს. მსგავსი და სხვა მრავალი ბრალდებები შეუთხზა გ. ზ-ძემ საუკეთესო მასწავლებლებს ვ. ლომსაძეს და ვ. ხარაბაძეს.“

საქ. კვ (ბ) ხაშურის რაიკომის სპეციალურმა კომისიამ შეისწავლა გ. ტაბატაძის, ვ. ლომსაძის და ვ. ხარაბაძის მიმართ წაყენებული ბრალდებები, რომლებიც არ დადასტურდა და მოახდინეს მათი რეაბილიტაცია. რაც შეეხება გ. ზ-ძეს, როგორც ცილისმწამებელი მოხსნა მასწავლებლობიდან და მისცა პასუხისგებაში.

მოქალაქეთა დიდი ნაწილი ხალხის მტრის იარლიყით გარიცხული იქნა პარტიისა და კომკავშირის რიგებიდან, ათავისუფლებდნენ სამსახურებიდან. ამას მასობრივი ხასიათი ჰქონდა. ეს ხდებოდა ზოგიერთი პარტიული და კომკავშირული მუშაკის დასმენით, ისინი ცდილობდნენ, ამ გზით მოეპოვებინათ გარკვეული მდგომარეობა ადგილობრივ პარტიულ და კომკავშირულ ორგანიზაციებში. ისეთი მთაბეჭდილება გვექმნება, რომ პარტიული და კომკავშირული აქტივი თითქოს უბიძგებდნენ ერთმანეთს დასმენისაკენ. ამის საილუსტრაციოდ ერთი მაგალითის მოტანაც საკმარისი უნდა იყოს.

1938 წლის 13 იანვარს კომკავშირის ხაშურის რაიონის აქტივის კრებამ მოისმინა რაიკომის მდივნის მოვალეობის შემსრულებლის ალ. ზურაბაშვილის მოხსენება

კომკავშირელთა განცხადებებზე, საჩივრებზე და სიგნალებზე რაიკომის მიერ მიღებულ გადაწყვეტილებათა შესახებ. მოხსენების შემდეგ გაიმართა კამათი, რომელიც „სადი კრიტიკისა და თვითკრიტიკის ნიშნით მიმდინარეობდა“. კრებაზე გამომსვლელები (რაიკომის თანამშრომლები – თ.ლ.) თვითკრიტიკით უდგებოდნენ რა თავიანთ მუშაობას, აღნიშნავდნენ, რომ კომკავშირის რაიკომი დროზე ვერ პასუხობს კომკავშირელთა საჩივრებსა და სიგნალებს. ითქვა, რომ „რაიკომის პასუხისმგებელ მუშაკებს (ზურაბაშვილს, მუმლაძეს, ტუსიაშვილს, ს. გელაშვილს) ჯიბით დააქვთ სიგნალები და არ არკვევენ მათში აღნიშნულ მდგომარეობას“.

ეს კი იმას ნიშნავდა, რომ რაიკომის მუშაკებს უყურადღებოდ არ უნდა დაეტოვებინათ არცერთი საჩივარი თუ სიგნალი, აუცილებლად უნდა მიეღოთ ზომები, მოეხდინათ რეაგირება. წინააღმდეგ შემთხვევაში თავად ისინი აღმოჩნდებოდნენ ხალხის მტრების თუ არა, მათი მფარველების როლში.

კრებაზე დასახელდა არაერთი მაგალითი, რომელიც კომკავშირის რაიკომის მხრიდან გადაუდებელ რეაგირებას მოითხოვდა. კერძოდ, რაიკომს კომკავშირის რიგებიდან გაურიცხავს ალ. ნოზაძე, კომკავშირის ბილეთი კი არ ჩამოურთმევია და პირველადი ორგანიზაციის დახურულ კრებას დასწრებია.

მეორე მაგალითი: 1937 წლის 27 დეკემბერს რაიკომის ბიურომ კედლის გაზეთში დაშვებული პოლიტიკური შეცდომისათვის კომკავშირიდან გაირიცხა ვლ. გოგალაძე. ხოლო 13 იანვარს, როგორც პროპაგანდისტს, გაუგზავნა მიმართვა 16 იანვარს პროფსეკინარზე დასასწრებად.

უფრო „მძიმე“ სურათი იხატება რაიკომის კომკავშირული ორგანიზაციის მაგალითზე, რომელსაც მოდუნებია რევოლუციური სიფხიზლე და კომკავშირელები ჭინჭარაძე, ჩაღუნელი, პარტწევრობის კანდიდატი ნოზაძე და რაიკომის პარტორგანიზაციის კომიტეტის მდივანი ამხ. ღონდაძე კომკავშირიდან გარიცხულ ქებაძეს გაჰყვნენ „ბანკეტზე“.

ალბათ, კიდევ დიდხანს გაგრძელდებოდა დასმენები, საჩივრებისა და სიგნალების ნიაღვარი პარტიისა და კომკავშირის რაიკომების მისამართით და არც შესაბამისი საჭირო ღონისძიებების გატარება დაყოვნდებოდა, რომ არა საკკპ (ბ) ცვ-ის 1938 წლის იანვრის პლენუმის დადგენილება „პარტიიდან კომუნისტების გარიცხვისას პარტორგანიზაციების შეცდომებზე, საკ. კვ (ბ)-დან გარიცხულთა აპელაციებისადმი ფორმალურ ბიუროკრატიული დამოკიდებულებისა და ამ ნაკლოვანებათა აღმოფხვრის ღონისძიებებზე“, რომელიც ადგილობრივ პრესაში 28 იანვარს გამოქვეყნდა.

დადგენილება ავალდებდა ადგილობრივ პარტიულ ორგანიზაციებს გადაჭრით ბოლო მოეღოთ პარტიიდან მასობრივი, ხელაღებით გარიცხვისათვის და ნამდვილად დაეწეებინათ ინდივიდუალური, დიფერენცირებული მიდგომა პარტიიდან გარიცხვის ან პარტიის წევრთა უფლებებში გარიცხულთა აღდგენის საკითხების გადაჭრისას. ადგილებზე ცენტრალურ კომიტეტებს მიეცათ მითითება მოეხსნათ პარტიული თანამდებობიდან და პარტიულ პასუხისმგებლობაში მიეცემოდა ყველა ის პარტიული ხელმძღვანელი, რომლებიც არ ასრულებდნენ საკ. კვ (ბ) ცვ-ის დირექტივებს, პარტიიდან რიცხავდნენ პარტიის წევრებს და კანდიდატებს ისე, რომ გულმოდგინეთ არ ამოწმებდნენ მთელ მასალას და უშვებდნენ თვითნებობას პარტიის წევრთა მიმართ.

სამითვის ვადაში უნდა მომხდარიყო პარტიიდან ყველა გარიცხულის აპელაციის განხილვა.

პარტიულ ორგანიზაციებს ევალდებოდათ პარტიულ პასუხისმგებლობაში მიეცათ ის პირები, რომლებიც დამნაშავენი იყვნენ პარტიის წევრებისათვის ცილისწამებაში, უნდა მოეხდინათ პარტიის ასეთ წევრთა რეაბილიტაცია. გაზეთმა „პრავდამ“ წამოაყენა ლოზუნგი: „რეაბილიტაცია ვუყოთ არასწორად გარიცხულთ, მკაცრად დავსაჯოთ ცილისმწამებულები“.

თებერვლის დასაწყისიდან რაიონში დაიწყეს ცენტრალური კომიტეტის დადგენილების შესწავლის კამპანია.

„მაღალი პოლიტიკური აქტიობით ჩატარებულ კრებებზე, - წერდა გაზეთი „ბოლშევიკური სიტყვა“ 12 თებერვალს მოწინავეში „უნაკლოდ განვახორციელოთ“, - რაიონის პარტიული და არაპარტიული ბოლშევიკები ერთსულოვნად აცხადებენ, რომ ცენტრალური კომიტეტის პლენუმის ეს დადგენილება წარმოადგენს ხალხის შენიღბული მტრების, კარიერისტ-კომუნისტების და ცილისმწამებულების წინააღმდეგ ბრძოლის ბასრ იარაღს, რომლებიც ქარაფშუტულად ეკიდებოდნენ პარტიის წევრთა ბედობას, ცდილობდნენ თავი გამოეჩინათ და დაწინაურებულიყვნენ პარტიიდან გარიცხვებით.“

ცვ-ის დადგენილებაში მოყვანილი ფაქტების ანალოგიურ მაგალითებზე მოგვითხრობს რაიონში განვითარებულ მოვლენებზე. კერძოდ, აღნიშნულია: „ბოლშევიკური პარტიის სტალინური ცენტრალური კომიტეტის იანვრის პლენუმის დადგენილებაში მოყვანილი მაგალითების ანალოგიურ ფაქტებს ადგილი ჰქონდა ჩვენი რაიონის პირველად პარტორგანიზაციებშიც. პარტიკომის ყოფილი მდივნები, ხალხის მტრები, მრავლად რიცხავდნენ ბოლშევიკური პარტიის რიგებიდან უდანაშაულო კომუნისტებს. ხალხის მტრებმა პირველადი პარტორგანიზაციის დადგენილების უქონლად, შემოწმების გარეშე პარტიიდან გარიცხეს 15-მდე კომუნისტი. გომის სპირტის ქარხნის დამკვერელი მუშა იოსებ ცხოვრებაშვილი გარიცხეს პარტიიდან, იმის გამო, რომ უყვარდა რა კრიტიკა, ამხილა სპირტის ქარხნის ყოფილი დირექტორის უმსგავსო მოქმედებანი.“

აგარის მტს-ის პარტორგანიზაციამ პარტიიდან უსაფუძვლოდ გარიცხა ნიკოლოზ ნოზაძე. ბრალი დასდო მას იმაში, რომ იყო რა მტს- მოფერი, მანქანით დაჰყავდა მტს-ის ყოფილი დირექტორი ხალხის მტერი და მასთან ჰქონდა კავშირი. ცილისმწამებულებმა ნოზაძის წინააღმდეგ სანამ მისი საკითხი პარტრაიკომის ბიუროზე განიხილებოდა, დამატებით დასწერეს ცილისმწამებლური ცნობები, ვითომ იგი მავნებელი იყო, რაიკომის ძველმა „ხელმძღვანელობამ“ შემოწმების გარეშე პარტიიდან გარიცხა ნოზაძე...

რაიონის კომკავშირის პირველად ორგანიზაციებშიც ხალხის მტერი, რაიკომის მდივნის ყოფილი მოადგილე პირველადი ორგანიზაციების და (გაგრძელება IV გვერდზე)

(გაგრძელება)

რაიკომის ბიუროს დადგენილების გარეშე სწვევდა კომკავშირელის ბედ-იღბლის საკითხს. მან კომკავშირული ბილეთი ხელიდან გამოგლიჯა აქტიურ კომკავშირულ ვ. ჩიქოვანს, დღესაც არავინ იცის ჩიქოვანი რატომ არის დარჩენილი კომკავშირის გარეშე“.

ამჟამად, ამოცანა მდგომარეობს იმაში, რომ პარტკომკავშირული ორგანიზაციები სათავეში ჩაუდგენენ ბოლშევიკური პარტიის ცენტრალური კომიტეტის იანვრის პლენუმის დადგენილების შესწავლას და უნაკლოდ განხორციელებას, რომ სასწრაფოდ ლიკვიდაცია ვუყოთ დაშვებულ შეცდომებს. რევოლუციური სიფხიზლის ამადლებით უნდა გამოვამქვავნოთ პარტიისა და ხალხის მტრები, კარიერისტ-კომუნისტები და ცილისმწამებლები“.

კომუნისტური პარტიის რაიონული კომიტეტის მსგავსად, 27 მარტს, საქ. ალკვ ხაშურის რაიონულმა აქტივმა განიხილა რაიკომის მდივნის ალ. ზურაბაძევილის მოხსენება საქ. ალკვ ცვ-ის მე-5 პლენუმის დადგენილების - „კომკავშირული ორგანიზაციების მიერ კომკავშირულთა გარიცხვის დროს დაშვებულ შეცდომებზე, საკავშირო ალკვ-დან გარიცხულთა აპელაციებისადმი ფორმალურ-ბიუროკრატიული დამოკიდებულებასა და ამ ნაკლოვანებათა აღმოფხვრის ღონისძიებებზე“ - შესახებ.

მომხსენებელმა მოიტანა „მრავალი ფაქტი იმისა, თუ ხალხის მტრები როგორ უსულგულოდ უკიდებოდნენ კომკავშირულთა ბედ-იღბალს“. კამათში გამოსულები ახლა მონდომებით ამხელდნენ ახალ „ხალხის მტრებს“, რომლებიც გუმინ თავის მხრივ წარმატებით ამხელდნენ ასევე „ხალხის მტრებს“ და მათი დასმენებით ირიცხებოდნენ კომკავშირის რიგებიდან ახალგაზრდები.

კრებაზე გაირკვა, რომ რაიკომის კომკავშირის პირველადი ორგანიზაცია თავის რიგებიდან კომკავშირულს უსაფუძვლოდ რიცხავდა. კომკავშირულ ვ. დარბაძევილს ცილი დასწამეს კოლმეურნეობაში მავნებლობაზე. კომიტეტის ყოფილი მდივანი ვ. ადამია უჯერებდა ცილისმწამებლებს და არ ამოწმებდა ფაქტებს. უკანასკნელ პერიოდში ამ ორგანიზაციიდან გარიცხული კომკავშირის 15 წევრი იქნა აღდგენილი. კრებაზე გაირკვა აგრეთვე, რომ კომკავშირის რაიკომიც უშვებდა უხემ შეცდომებს. ფრანგიშვილი კომკავშირიდან გარიცხული იქნა ფარული ტროცკისტობის გამო. სათანადო ორგანოებმა კი მის მიმართ ვერავითარი ბრალდება მოიძიეს. ხალხის მტრებმა ანტიპარტიული ლაყბობის ბრალდებით მ. თათუნაშვილი გაარიცხინეს კომკავშირიდან და მოახსენებინეს სამუშაოდან. შემდეგ გაირკვა, რომ ეს ბრალდებები მ. თათუნაშვილს ცილისმწამებელმა მ. მესხმა შეუთხზა.

ქალაქსა და რაიონში ფართოდ გაჩაღდა ცილისმწამებულების მხილება. „კიდევ უფრო ავამაღლოთ რევოლუციური სიფხიზლე, გამოვავლინოთ ხალხის მტრები, კარიერისტები, თავკერძა კომუნისტები. მოვაცილოთ სამარცხვინო ლაქა ცილდაწამებულებს“ - მოუწოდებდა ადგილობრივი გაზეთი.

„ხალხის მტრები, - აღნიშნავდა გაზეთი, - გაქნილი კარიერისტები, როგორც ცენტრალური კომიტეტი თავის დადგენილებაში აღნიშნავს, ცილისმწამებისთვის იყენებდნენ გაზეთებს. როგორც ვიცით, გასულ წელს, გაზეთ „ბოლშევიკურ სიტყვა“-ს რედაქტორობდა ხალხის საზიზღარი მტერი ი. ბუმიძე. ხალხის ამ მტერმა გაზეთის ფურცლებზე გაამათრახა და ხალხის მტრების ნაბოლარად გამოაცხადა კომკავშირიდან გარიცხული ა.ი. კუჭაიძე. გამორკვევით დადასტურდა, რომ ა.ი. კუჭაიძეს არავითარი კავშირი არ ჰქონდა ხალხის მტრებთან. პირიქით, იგი დაუზოგავად ამხელდა ყველა მას, ვინც მავნებლობას ეწეოდა. კუჭაიძეს არასდროს მიუღია კომკავშირული სასჯელი. იგი ყოველთვის აქტიური მუშაკი იყო“.

კომკავშირის რაიკომის ბიურომ ა. კუჭაიძე ადადგინა კომკავშირის რიგებში. პარტიის წევრებმა, არ. ქალიაშვილმა და მ. ხაჩიძემ რაიკომის კომკავშირის არსებულ პირველად პარტორგანიზაციის წევრ კ. ხვედელიძეს ცილი დასწამეს, ვითომ მან 1919 წელს მენშევიკურ არმიამ გასცა კომუნისტები. პირველადმა ორგანიზაციამ ცილდაწამებული კ. ხვედელიძე გარიცხა პარტიის რიგებიდან. რაიკომის ბიუროს სპეციალურმა კომისიამ შეამოწმა კ. ხვედელიძის მიმართ წაყენებული ბრალდებები, რომლებიც არ დადასტურდა. კ. ხვედელიძე ადადგინეს პარტიაში.

„ყალბი სიფხიზლის მსხვერპლი“ აღმოჩნდა კონსტანტინე სხირტლაძე. „...ხალხის მტრის აგენტთან მუშაობდი, 60 მანეთი ყალბი საბუთი შეადგინე, მავნებლობას ეწეოდი, ამიტომ პარტიული ბილეთი უნდა დასტოვო, - განუცხადა რაიკომის ყოფილმა მდივანმა, ხალხის მტერმა ბეღელაძემ გომის პარტორგანიზაციის აქტიურ წევრს კონსტანტინე სხირტლაძეს. მას კრინტიც არ დააძვრევინეს და ხელიდან პარტიული ბილეთი წაართვეს. ხალხის მტრებმა სხირტლაძის საკითხის განხილვის უფლებაც არ მისცეს იმ პარტიულ ორგანიზაციას, რომელშიც იგი მუშაობდა“.

კ. სხირტლაძე სამსახურიდანაც მოხსნეს. იგი რამდენჯერმე მივიდა რაიკომში, ითხოვა, გამოერკვიათ მისი საქმე, მაგრამ რევოლუციური სიფხიზლის სპეკულიანტებმა ყურადღება არ მიაქციეს მის კანონიერ საჩივარს.

მხოლოდ 1938 წელს გახდა შესაძლებელი კ. სხირტლაძის პარტიულ რიგებში აღდგენა.

პარტიული კრებები აქტიურად იხილავდნენ „ცილდაწამებულთა“ საკითხებს რკინიგზის კვანძის პარტიულ ორგანიზაციებში, სადაც

24 იანვრიდან დაიწყო პარტიის ცვ-ის დადგენილების შესწავლა და ცხოვრებაში განხორციელება. კრებებმა აქაც „აშკარად ნათელჰყვეს ის შეცდომები, რომლებიც დაშვებული იყო რკინიგზის ხაშურის პარტორგანიზაციაში ზოგიერთი კომუნისტის გარიცხვის დროს“.

საორთქლმავლო დეპოს პარტორგანიზაციიდან „ხალხის მტრის - პარტკომის ყოფილი მდივნის მიერ გარიცხული იქნა სტახანოველი მემანქანე, ორგანიზაციის აქტიური წევრი დიმიტრი კაპანაძე. გარიცხვის მოტივად მოტანილი იყო მისი ბიძაშვილის ტროცკისტობა.

ხალხის მტრების დავალებით კაპანაძის დაცვისათვის პარტიის რიგებიდან გარიცხეს მემანქანე კოლია მეყანშიშვილი“.

რკინიგზის მცველთა ორგანიზაციიდან პოლიტიკური მოუშალებლობის ბრალდებით, ყოველგვარი შემოწმების გარეშე პარტიიდან გარიცხეს ვ. შალიბაშვილი. რკინიგზის კვანძის პარტიული ორგანიზაციების მიერ რაიონული კომიტეტის წინაშე დაისვა საკითხი ზემოთ აღნიშნული ამხანაგებისა და იმ ამხანაგების პარტიაში აღდგენაზე, რომლებიც უდანაშაულოდ უყვნენ გარიცხულნი პარტიის რიგებიდან.

15 აპრილს რაიკომის პარტორგანიზაციის საანგარიშო-საარჩევნო კრებაზე აღინიშნა, რომ აღმასკომის „კომკავშირის პირველადი ორგანიზაციიდან უმართებლოდ რიცხავდნენ აქტიურ კომკავშირულს. 26 წევრიდან გარიცხული იქნა 14, რომლებიც აღდგენილი იქნენ“.

კრებაზე აღინიშნა ისიც, რომ „ბოლშევიკური სიფხიზლე რაიკომის პარტორგანიზაციაში ვერ იდგა სათანადო სიმაღლეზე. ბევრს უდანაშაულოდ და ცილისმწამებულთა ბრალდებებით რიცხავდნენ პარტიიდან. პარტიიდან უდანაშაულოდ გარიცხულნი: მ. დარჯანია, მ. ლომსაძე, ნ. კაბერაშვილი და სხვები საქ. კვ (ბ) ცვ-ის იანვრის პლენუმის დადგენილების შემდეგ აღდგენილ იქნენ პარტიის რიგებში. ამ ორგანიზაციაში თავდაზღვეულობასაც ფართედ ჰქონდა ფეხი მოდგმული. კარიერისტი სევერიან ბრეგვაძე ბევრს უყენებდა უსაფუძვლო ბრალდებებს, მას საამისოდ სიაც კი ჰქონდა ჩამოწერილი, ვინც კი აწყენინებდა, ყველას მავნებლს ეძახდა და სამუშაოდან თანამშრომლებს უდანაშაულოდ ხსნიდა“.

კრებაზე, იმის მაგალითად, თუ როგორ შეუმოწმებლად რიცხავდნენ პარტიის რიგებიდან წევრებს, დასახელებული იყო რაიკომის პარტკომის მდივნის პ. მეტრეველის ირგვლივ განვითარებული მოვლენები. 1937 წელს მასზე „ვიღაცამ უსაფუძვლო სიგნალები შეიტანა რაიკომში და მყისვე ყოველგვარი გამორკვევის გარეშე დასვეს საკითხი პარტკომის გადარჩევის შესახებ, სასწრაფოდ მოიწვიეს კრება და გააკეთებინეს გ. მეტრეველს საანგარიშო მოხსენება. გატარებული მუშაობა იყო დამაკმაყოფილებელი, მაგრამ რადგან მეტრეველის პარტკომის მდივნობიდან მოხსნა წინასწარ გადაწყვეტილიყო, მუშაობა სუსტად ჩაუთვალეს და არამართო პარტიის რიგებიდან გარიცხეს, არამედ თანამდებობიდანაც გადააყენეს“.

ასეთი არაერთი ფაქტის დასახელება შეიძლება, ახლა იმ ხალხს რიცხავდნენ პარტიისა და კომკავშირის რიგებიდან, ვისი დასმენებითაც გუმინ იყვნენ რეპრესირებულნი პარტიული, საბჭოთა და კომკავშირული მუშაკები, თუ უბრალოდ მოქალაქეები.

ახლაც მკაცრად გმობდნენ იმ პირებს ვისაც მოდუნებული ჰქონდა რევოლუციური სიფხიზლე. 1938 წლის 15 აპრილს საქ. კვ ხაშურის რაიკომთან არსებულ პირველადი პარტიული ორგანიზაციის საანგარიშო კრებაზე კამათში გამოსული კომუნისტები „კრიტიკისა და თვითკრიტიკის გზით ამხელდნენ პარტორგანიზაციის მუშაობაში არსებულ დეფექტებს“ და მიუთითებდნენ ზოგიერთი კომუნისტის რევოლუციური სიფხიზლის მოდუნების ფაქტზე. კრებაზე „გაკრიტიკებული იქნა ამხ. დ. ნასყიდაშვილი, რომელმაც გააჭიანურა შემოსული სიგნალების გამორკვევა ხალხის მტრის კონტრრევოლუციური მუშაობის შესახებ“.

1938 წლის 23 მაისს საქ კვ (ბ) ხაშურის რაიონის ორგანიზაციის მე-17 კონფერენციაზე რაიკომის მდივნის მოვალეობის შემსრულებელი ირ. ლუღუშაური აღნიშნავდა: „რაიონში მოკალათებულმა, ამჟამად გამომქვავებულმა ხალხის მტრებმა მნიშვნელოვანი ზიანი მიაყენეს რაიონის მეურნეობას, პარტიულმა ორგანიზაციებმა დიდი მუშაობა ჩაატარეს ხალხის მტრებისგან თავიანთი რიგების გასაწმენდად“. მანვე „მკაცრად გააკრიტიკა მუშაობაში არსებული ნაკლოვანებანი, კერძოდ მან ილაპარაკა პარტიიდან კომუნისტების არასწორად და ხელაღებით გარიცხვის შესახებ, რაც საქ კვ (ბ) ცენტრალური კომიტეტის იანვრის პლენუმის დადგენილების შემდეგ გამოსწორებული იქნა პარტიის რაიონული კომიტეტის მუშაობა, იმისათვის, რომ პარტიიდან კომუნისტების გარიცხვის დროს დაშვებული შეცდომები გამოასწოროს“.

„დაშვებული შეცდომების“ გამოსწორებას ორი ათეული წელი მოუნდა.

1938 წლის 2 მარტს სსრ კავშირის უზენაესი სასამართლოს სამხედრო კოლეგიამ დაიწყო „მემარჯვენე-ტროცკისტული ბლოკის“ საქმის მოსმენა.

ადგილობრივ გაზეთში 3 მარტს გამოქვეყნდა საკდესის ცნობა „მემარჯვენე-ტროცკისტული ბლოკის“ შესახებ. იმავე დღიდან გაზთის ფურცლებზე გაჩნდა ლოზუნგი: „სიკვდილი „მემარჯვენე-ტროცკისტული ბლოკის“ მონაწილეებს“, „გავანადგუროთ ხალხის მტრები, სამშობლოთი მოვაჭრენი“, „გავანადგუროთ სამშობლოს მოღალატენი“.

თ. ლაცაბიძე

(გაგრძელება იქნება)

26 აგვისტოს მოსული უხვი ნალექის შედეგად, ხაშურის მუნიციპალიტეტის სოფელ ვაყაში წარმოიქმნა მეწყრული პროცესი



სტიქიურმა მოვლენამ დააზიანა მეორე ხარისხის გზა. შედეგად, რამდენიმე ოჯახს, გადაადგილების მხრივ, აღნიშნულ გზაზე, პრობლემა შეექმნა, თუმცა, მოქალაქეები გარესამყაროს სარაიან მოწყვეტილები, გზის აღდგენამდე მათ ალტერნატიული გზით სარგებლობა შეუძლიათ.

მუნიციპალიტეტის წარმომადგენლები ადგილზე სწავლობენ ვითარებას. შემდგომი გადაწყვეტილებების შესახებ მოსახლეობას მოგვიანებით ეცნობება. პრევენციული ღონისძიებების ფარგლებში, სოფელ ვაყაში, მუნიციპალიტეტის მიერ გასულ წლებში მოწყობილია ნაპირდამცავი გაბიონი, სწორედ აღნიშნული პროექტის განხორციელების შედეგად მეწყრული პროცესი ნაკლები ზიანის მომტანი აღმოჩნდა.



სურამის სამუსიკო სკოლას ახალი შენობა ექნება

სურამის მოსახლეობისთვის ცნობილია, რომ ჯერ კიდევ 2023 წლის ნოემბრის თვეში, მუნიციპალიტეტის მოთხოვნის საფუძველზე, სურამის სამუსიკო სკოლის შენობის მდგრადობა შეისწავლა ლევან სამხარაულის სასამართლო ექსპერტიზის ბიურომ. შედეგად დადგინდა, რომ შენობა არის ავარიულ მდგომარეობაში და საჭიროებს დემონტაჟს.

ამის შემდეგ მუნიციპალიტეტის მიერ განხორციელდა ავარიული შენობიდან პერსონალის და მოსწავლეების ალტერნატიულ ფართში გადაყვანა. სოციალური ქსელის მეშვეობით მუნიციპალიტეტმა მაშინვე გაავრცელა განცხადება, შენობის ავარიული მდგომარეობის და დემონტაჟის საჭიროების შესახებ.

პარალელურად მუნიციპალიტეტმა გამოაცხადა საპროექტო ტენდერი შენობის დემონტაჟის პროექტის შესასყიდად. აღნიშნული პროექტი, რომლის ღირებულებაც შეადგენს 112 000 ლარს, მომზადდა და მუნიციპალიტეტის მერიას ჩაბარდა მიმდინარე წლის აგვისტოს დასაწყისში.

შესაბამისად, სურამის სამუსიკო სკოლის დემონტაჟისთვის საჭირო პროცედურები უახლოეს პერიოდში დაიწყება.

რაც ეხება სურამის სამუსიკო სკოლის შემდგომ ბედს, გაცნობებთ, რომ უკვე დასრულებულია ტენდერი, რომლითაც სურამის კინოთეატრის შენობის სრული რეაბილიტაცია იგეგმება. სურამის სამუსიკო სკოლა სწორედ აქ დაიდებს ბინას.

რეაბილიტირებულ შენობაში გარდა სამუსიკო სკოლისა, გადავა სურამის ბიბლიოთეკაც. აქვე მოეწყობა სურამის ადმინისტრაციულ ერთეულში მერის წარმომადგენლის ოფისიც.



პროფესიული კოლეჯი "ქართლი" სწავლის მსურველთა რეგისტრაციას იწყებს

პროფესიულ კოლეჯ "ქართლში" 2024 წლის #2 სექტემბრიდან დაიწყება სწავლის მსურველთა რეგისტრაციის პროცესი ადგილობრივ შრომის ბაზარზე პრიორიტეტულად მოთხოვნილი პროფესიული მიმართულებების პროგრამებზე:

1. პროფესიული მომზადების პროგრამა - #ხელით ელექტრონოკალური შედეგები: პროგრამის ხანგრძლივობა-13 კვირა, საკონტაქტო საათების რაოდენობა - 200 სთ, მისაღებ მსმენელთა რაოდენობა-15

2. პროფესიული მომზადების პროგრამა - #ზოგადი ელექტრო სამონტაჟო სამუშაოები:

პროგრამის ხანგრძლივობა-13 კვირა, საკონტაქტო საათების რაოდენობა - 200 სთ, მისაღებ მსმენელთა რაოდენობა-15

3. პროფესიული მომზადების პროგრამა - #კომპიუტერის ქსელური და პროგრამული მხარდაჭერა: პროგრამის ხანგრძლივობა -18 კვირა, საკონტაქტო საათების რაოდენობა - 274 სთ,

4. პროფესიული მომზადების პროგრამა - #სავტომობილო შიდაწვის ძრავების კვების სისტემის სერვისი: პროგრამის ხანგრძლივობა-13 კვირა, საკონტაქტო საათების რაოდენობა - 200

სთ, მისაღებ მსმენელთა რაოდენობა-15

საქართველოს პარლამენტის არჩევნებში მონაწილე პარტიების საყურადღებოდ!

„საქართველოს საარჩევნო კოდექსის“ და ასევე, საქართველოს კომუნიკაციების ეროვნული კომისიის დადგენილების (2012 წლის 15 აგვისტო) შესაბამისად, 24 ოქტომბრის ჩათვლით, წინასაარჩევნო აგიტაციისა და წინასაარჩევნო რეკლამის განთავსებისათვის, გაზეთში „ხაშურის მოამბე“ გამოყოფილია ფართობი. კერძოდ: ფასიანი

სთ, მისაღებ მსმენელთა რაოდენობა-15

5. პროფესიული მომზადების პროგრამა - #სანტექნიკური სამუშაოები: პროგრამის ხანგრძლივობა-11 კვირა, საკონტაქტო საათების რაოდენობა - 165 სთ, მისაღებ მსმენელთა რაოდენობა-15

6. პროფესიული მომზადების პროგრამა - #ხე ტყის დამზადება და ტყის დაცვის სამუშაოები

პროგრამის ხანგრძლივობა-12 კვირა, საკონტაქტო საათების რაოდენობა - 166 სთ, მისაღებ მსმენელთა რაოდენობა-15

აღნიშნულ პროგრამებზე #სწავლა უფასოა - სრულად ფინანსდება სახელმწიფოს მიერ.

ცალკე გამოცხადდება რეგისტრაცია-სწავლის დაწყების დრო და პირობები მე-7 პროფესიული მომზადების პროგრამაზე: #ბუღალტრული აღრიცხვის საფუძვლები და კომპიუტერული პროგრამა „ორისი“.

პროგრამის ხანგრძლივობა-19 კვირა, საკონტაქტო საათების რაოდენობა - 216 სთ, მისაღებ მსმენელთა რაოდენობა-15

პროგრამების განხორციელება უზრუნველყოფილია შესაბამისი დარგის #მათალკვალიფიციური მასწავლებლების მიერ.

პროგრამების წარმატებით დასრულებისას კურსდამთავრებულებს გადაეცემა სახელმწიფოს მიერ აღიარებული პროფესიული განათლების დამადასტურებელი დოკუმენტი #სერტიფიკატი.

კოლეჯში შექმნილია წარმატებულ კურსდამთავრებულთა #დასაქმება თვითდასაქმების მხარდაჭერის სერვისები.

პროფესიულ კოლეჯ "ქართლში" #პირველი სასწავლო წელი 2024 წლის 15 ოქტომბრიდან დაიწყება

პროგრამებზე რეგისტრაცია შესაძლებელი იქნება როგორც დისტანციურად, ისე ადგილზე - კოლეჯში ვიზიტით (დამატებით გამოქვეყნდება აპლიკანტთა რეგისტრაციის ინსტრუქცია, მსმენელთა შერჩევისა და პროგრამებზე ჩარიცხვის გრაფიკი და პროცედურები).

ადმინისტრაცია

რეკლამისათვის გაზეთის მე-4 გვერდი (988 კვ.სმ), უფასო რეკლამისათვის კი გაზეთის მე-5 გვერდის ნახევარი (494 კვ.სმ.).

ფასიანი რეკლამის შემთხვევაში, ერთი კვადრატული სანტიმეტრის ღირებულება შეადგენს 20 თეთრს (ერთი გვერდი - 197 ლარი და 60 თეთრი).

A3 და A4 ფორმატის ჩანართის შემთხვევაში (თუ ჩანართი გამზადებული სახით მოაქვს დამკვეთს და რედაქცია მხოლოდ ქსელში გავრცელების ვალდებულებას კისრულობს) კვადრატული სანტიმეტრის ფასია 15 თეთრი, ანუ A3 ფორმატის შემთხვევაში - 148 ლარი და 20 თეთრი, A4 ფორმატის შემთხვევაში - 74 ლარი და 10 თეთრი.

გაზეთის "ხაშურის მოამბე" - რედაქცია



სოფელი გომი. სიკვდილთან მებრძოლი მუხა.

ნიკა კიკაძის ფოტო

პირველკურსელთა საყურადღებოდ!

ხაშურის მუნიციპალიტეტის მერია, ახალგაზრდულ ღონისძიებათა პროგრამის ფარგლებში, გეგმავს ხაშურის მუნიციპალიტეტის ტერიტორიაზე მცხოვრები იმ სტუდენტების დაჯილდოებას, რომლებმაც 2024 წელს წარმატებით ჩააბარეს ერთიანი ეროვნული გამოცდები და მიიღეს 100%-იანი გრანტი (არ იგულისხმება უფასო ფაკულტეტები და ჩაბარების შემდგომ მოპოვებული შიდა გრანტი).



დაინტერესებულ პირებს გთხოვთ, წარმოადგინოთ შემდეგი დოკუმენტაცია:

- პირადობის მოწმობის ასლი;
- სწავლის დამადასტურებელი ცნობა საჯარო ან კერძო სკოლიდან;
- შეფასებისა და გამოცდების ეროვნული ცენტრის მიერ გაცემული ცნობა 100% იანი სახელმწიფო გრანტის მოპოვების შესახებ;
- საბანკო რეკვიზიტები (არასრულწლოვანი სტუდენტის შემთხვევაში, მშობლის ან კანონიერი წარმომადგენლის მონაცემები).

დოკუმენტები მიიღება ხაშურის მუნიციპალიტეტის მერიის განათლების, კულტურის და სპორტის სამსახურში 29 აგვისტოდან 19 სექტემბრის ჩათვლით (შაბათ-კვირის გარდა).

საკონტაქტო პირი: ბესიკ

გაჩეჩილაძე
საკონტაქტო ნომერი: 591057369; (0368) 24-24-56.

მუნიციპალიტეტის მერია



ტრენინგი ახალგაზრდებისათვის

ა(ა)იპ ორგანიზაციამ „ახალგაზრდები ხაშურის განვითარებისთვის“, პროექტის ფარგლებში: „ხაშურის ახალგაზრდული სივრცის განვითარება ახალგაზრდული საქმიანობის განხორციელებისა და არაფორმალური განათლების ხელმისაწვდომობის გაზრდის მიზნით“, ხაშურის ახალგაზრდულ სივრცეში განახორციელა ტრენინგი და Workshop-ი თემაზე “პიროვნული განვითარება და ლიდერობა”.

შეხვედრას გაუმღვა ხელოვნების მენეჯმენტის დოქტორი, საქართველოს შოთა რუსთაველის თეატრისა და კინოს ასოცირებული პროფესორი დოდო ჭუმბურიძე.

აღნიშნული შეხვედრები ხორციელდება სსიპ ახალგაზრდობის სააგენტოს მხარდაჭერით.

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი და გაზეთის რედაქტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27.

E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.

ℙ-ით მონიშნული სტატია იბეჭდება დაკვეთით გაზეთი იბეჭდება თბილისში.